



KEMENTERIAN PENGANGKUTAN
MALAYSIA



**KENYATAAN MEDIA
JABATAN PENGANGKUTAN JALAN MALAYSIA**

**"OPERASI KHAS TERHADAP KENDERAAN BARANGAN KESALAHAN TEKNIKAL
DAN LEBIH MUATAN"**

Jabatan Pengangkutan Jalan (JPJ) Malaysia telah menerima aduan daripada orang awam berhubung **kenderaan barangan berat** yang disyaki membawa **muatan melebihi had** yang ditetapkan di laluan **Lebuhraya Changkat Jering, Taiping hingga ke Bukit Merah, Perak**. Sehubungan itu, JPJ telah menggerakkan pasukan risikan untuk pemantauan bagi mengesan pergerakan dan modus operandi kenderaan barangan berkenaan.

Hasil daripada pemantauan tersebut, JPJ telah berjaya menahan dan menyita sebanyak **tiga (3) buah lori** yang disyaki membawa muatan secara berlebihan, serta pelbagai kesalahan teknikal lain di bawah **Akta Pengangkutan Jalan (APJ) 1987** dan **Akta Pengangkutan Awam (APAD) 2010** termasuk **tiada lesen memandu (CDL)**, **tiada lesen Vokasional (GDL)** dan **mengajikan pemandu di bawah umur** bagi pemanduan kenderaan barangan berat. Jika disabitkan dengan kesalahan-kesalahan di bawah Akta-Akta berkenaan, seperti kesalahan lebih muatan di bawah **Seksyen 57(1) Akta Pengangkutan Awam Darat (APAD) 2010**, pihak syarikat boleh **didenda maksimum sehingga RM500,000** dan **penjara tidak melebihi dua (2) tahun**.

Selaras dengan itu juga, pihak JPJ akan meningkatkan pemantauan dan penguatkuasaan yang lebih tegas termasuk melaksanakan tindakan penyitaan di bawah **Seksyen 64(1) APJ 1987** dan **Audit Pemeriksaan dan Keselamatan Kenderaan Perdagangan (JISA)**, terhadap mana-mana syarikat yang terlibat mengikut peruntukan

di bawah **APAD 2010**, di mana kegagalan mana-mana syarikat dalam audit JISA ini juga akan diambil tindakan penggantungan dan pembatalan lesen pengendali berkaitan.

Pada amnya, pihak JPJ **memandang serius** terhadap tingkah laku pelanggaran peraturan jalan raya dan kegagalan menyelesaikan kes-kes dalam tempoh masa yang ditetapkan, selain kerap melakukan kesalahan berulang yang akan menjadi punca kepada kemalangan maut membabitkan kenderaan berat di negara ini. Justeru itu, JPJ **memberi amaran** dan peringatan yang tegas kepada semua pengusaha syarikat dan pemandu lori untuk mematuhi peraturan yang ditetapkan seperti menjamin tahap *roadworthiness* dan **mematuhi had muatan yang dibenarkan**, bagi keselamatan nyawa dan harta pengguna jalan raya, jua.

Sekian, terima kasih.



**KETUA PENGARAH
JABATAN PENGANGKUTAN JALAN
MALAYSIA**

27 JULAI 2022

[TAMAT]